



止齋先生文集卷之一

歌辭

暮之春兮六章章五句

先生有堂曰暮春

暮之春兮物維其嘉乾際兮坤涯母將離兮彼實者華魚在藻兮燕子還于故家今者不樂兮云何
暮之春兮風日與柔柔女兮南嚶相爾夏畦兮悲秋斷冰兮
長夜無表今者不樂兮何求

暮之春兮雍雍熙熙堯裳兮舜衣五絃之琴兮一夔曾不知結繩與秉鉞兮何時瞻言千載兮忽焉其遠而

山有龜蒙兮水有沂天未喪斯文兮在茲二三子兮皇皇欲何之鼓瑟兮為誰捨此兮吾將安歸

止齋兮年年室環堵兮兩山有川鷗鷺巢簷兮圓荷田田空無芳草兮杜鵑世微孔子兮獨抱乎韋編



雲漢之章兮光燭天朝宗兮列仙胡歸晚兮病骨拳然與空
歌商兮忘食與眠點爾何如兮吾未知其孰賢

西廟招辭并序

淳熙十有三年二月知瑞安縣事公非先生之曾孫劉龜
從再作西廟以祠宣和縣令王公經國於其落也邑人陳
某為作迎神一章使工歌之經國字公濟其守禦事許忠
簡公嘗識之故不叙

君昔兮胡不去斯君今兮胡不來斯文棟兮凋楹峴山之麓
兮江圻旨酒牲兮潔肥皓遺老兮鬚眉坎擊鼓兮吹篪君勿
采兮遲遲山蜿蜿兮榕陰萎蕤江水清夷兮無蛟與螭君之
采兮可以娛嬉君不共安兮誰與共危鳴玉兮袞衣彼亦君
兮一時莽中州兮為夷匪豕則廟兮牛羊纍纍尚我民兮有
知子子孫兮永依揆之兮以是非君舍此兮安之田有畔兮

澤有陂桑稿兮誕彌懷不報兮忉忉日阜暮兮夜何其猶容
與兮誰須

古詩

落葉一首別諸友客新昌

落葉一二數遙夜忽已午百年能幾何望道猶未睹清揚得
邂逅簡易從險阻明朝買扁舟萬議付風雨新詩話別恨為
我謝酸楚蒼蒼歲後竹白首見肺腑要有不別時尸居一環
堵

讀范文正公神道碑有感佚事

武侯不可致元德造其廬公在衰經中乃上時政書維時君
臣定事與草昧殊出處千載同豈必名迹如行伍拔大將寒
饑得名儒推轂天下士百年用其餘生平慕河汾未許王魏
俱慙慙八司馬意獨何區區自古朋黨論消復莽無期誰令

羣疑亡韓富及有為惜哉公不見功名止西陸

送國子監丞顏幾聖提舉江東分韻得動字

長安夜未艾客枕厭羣動平明視天闕劍佩鳴玕琤學省雖
冷官上意嚮周孔六飛自天下多士溘雲滄獲殫燕羊鹿道
義發醴蒙方將屬者英高舉出埃壟離觴春駘蕩歸路月腫
隴勲業當及時千年付南董

懷寧國守鄭少卿景望

一日一度過短牆三日風雨撓我腸天球河圖在東序保障
蘭絲分晉陽我欲從之茗水遠搔首不見月滿廊笑看兒女
羅列拜老人星下燒夜香

送宋國博 參議江東分韻得夜字前年

上幸學一時同舍今去略盡為之悵然

南門供帳江上亭北門觴酒湖邊榭兩年出餞略可數徃徃

行人半同舍憶昔翠華臨壁海儒先一日爭聲價蘇君舌掉
巫峽水楊君氣奪幽并夜黃君石砭不可轉夫子居然占暴
竿艾軒風流天下少獨奏咸韶無漢夏黃梁未熟事如許白
髮不生心亦怕古來賢俊多坎軻道與世違胡足詫武皇好
少臣已老孟子尊王君尚霸嗟乎夫子幸遭時諸公衮衮皆
流亞德尊不過五品薄歲晚曾無一餘暇君恩豈必問湖海
家事姑惟問桑稼此行端可振頽俗令我短轅今欲駕

遊鼓山

鼓山聞天下一見名不空自從周職方閩在王會中登山亦
幾人興寄隨所逢騎君常偈日遷客多悲風劔川發甌西高
阻與海通忽焉得平壤北山轟其東我行未及巔已見國勢
雄三韓到吳會不可道里窮俯瞰南來帆沄沄自朝宗羣
諸降王各撫千里封相控神衙圖厥獻東都宮東都今何如

胡馬鳴蒿蓬一春長雨霧明日歸樊籠恣探泉石幽篔簹道
歸第

和孫偉卿雜言十首

萬事如浮雲可翫不可有三年刻一葉未就骨已朽
可憐負薪子誤有廊廟志出門欲何之馬拙車未試
一鉢腹果然身外百不煩深知飢方朔不似飽侏儒
墮落生死間大患為有身老子識未破天地豈不仁
幽居悟前疲寡欲得身健筮之此何祥厥絲無水困
有書但插架有門亦常闌是非天下爭而我土石頑
好酒來誰家明月得我心把酒弄明月醉卧盜不侵
阮窮果何尤利達竟誰在眷言荷鋤人妻子敬相待
或勸著子書我恐落人世呼兒具紙筆一歲復一歲
人事盡鄉曲田租了王官獨於大海枯不改古井寒

送林正仲丞玉山

去年我為客持酒送君歸君今理征驂我適卧舊廬人生足
離合仕宦相乘除科名餘十年丞縣亦既遲顏色日愈好絕
口無歡教自言有時命歲宴知何如深歲濟人具不作借勢
書虛名多自誤徐步乃疾驅從茲扶老眼看君上亨衢

和林懿仲喜雪韻

常暘屢咎何君相疾朝夕愧莫慰羣黎望三白是心與
天通昨夜平地尺簑笠在東阡獲糶在西陌忍待明年飽欣
及吾事陳海宇正無塵草木亦煥赫遙知紫宸朝千官手加
額温綸紫龍光賀牘交馬跡銜枚懸瓠城仗節屈延澤獨擁
藍關馬共飢澤沱麥更願吾君相對此念忠赤當今挾纊温
恩意到疆場有士如有年要豈旦日積素安自甘寢掃軌無
過客

再和前韻

冬夜苦難曉短景復易夕安得戶牖光不待東方白恍如游
化城瓊臺若干尺英華發林藪餘彩散阡陌平鋪浩無垠巽
入微有隙忍寒貪縱觀未願朝曦赫柳綿著歌茵梅片墮粧
頰噙然羣汗中有意欲比迹自識玉皇家癯仙陋山澤新來
學為農遺歲屢無麥稊子色恒饑老婢脚盡赤一醉今有待
喜更問瓜場歸來看林頭執粟幸餘積且以炊春膠號召已
散客

除夜用前韻

又添犬馬齒常恐牛羊夕牙無數株牢鬢已太平白六朝貴
人家珊瑚高數尺復有陵邑豪沃壤動連陌居然燕巢幙忽
矣駒過隙伊傳亦中壽至今名赫赫蒼苔卧風雨曾之斷碑
額中原五十載胡騎亂禹跡誰當懶折腰去學陶彭澤憂端

歷不下中夜歌秀麥昭代豈無人腰黃眼前赤鴻儒籌禁香
壯士守邊場罷歌且盃酒澆此懷抱積柴門剝剝響已有賀
年客

和林宗簡除夜韻余與宗簡皆病餘而除夜皆賦詩
因反前意

窮懷卿相憂老作兒女悲百爾皆妄想一祭看新詩短長總
歸盡君閱古盛衰煌煌五侯家寬作數世期經史或不讀名
字亦奚為茂對乾三陽靜養月一規

再用喜雪除夕二韻寄宗簡

百年禪指頃羣動不違夕變彼情游者長夜浮太白豪俠旁
無人卧我樓百尺衲子縛禪靜不敢踐桑陌武夫髀肉滿
睨候邊隙道家求不死真火養陰赫躁人干速化自點雷門
額書生苦穿鑿奇字窮鳥迹何如吾老農一雨犁春澤相忘

與雞豚所辨繞菽麥不聞有孔子安識由與赤紛紛舉世士
肝膽自疆場老翁捧腹笑空洞無一積有來問時事請以臆
對客

子歌我有感我和子益悲文武有天下二南無變詩陵夷及
其季小雅亦既衰啟人早墜命秦氏不及期治身如治國夫
壽人所為舊恙何時已與子看前規

賦芙蓉簡諸友

我欲待明月相從弄芙蓉月郭一再滿我行竟徐徐誅茅因
黃埃開卷疲蠹魚纏縛二事間紅披綠蕭疎秋風白髮生撫
事增軟歎美人隔雲山芙蓉並吾廬近者不得見逾遠還何
如花無三月長人壽千歲餘相期不朽事勿與草木俱君上
鐘鼎銘我作山澤塵

送楊似之提舉湖南

昨日有客去分符今朝有客來攬轡葦芽撥盡筍可剝送客
馬知老將至儒雅風流能有幾南宮先生無乃是十年不復
夢蓬山萬里何為隔湘水葉公歸然地官貳顏公領袖天下
士星聯郎署尤與何次第諸公亦連茹一時臺省舊名德十
見班行已三四可令僕馬病崔嵬獨抱蘭蓀吊憔悴漁樵混
迹山窮處故故肯臨人不記酒半停盃問鬚髮夜闌秉燭微
文字多時渴見痛折節萬事要看方得意先生行矣扈甘泉
請自此心扶大議薛士昭詩丞赴衡陽守之豐日而似之聖
尚書郎尤延之何一之同
館學今皆還朝故併及之

哭呂伯恭郎中舟行寄諸友

去年上溪船落日建安旄今年上溪船濡露金華草當代能
幾人胡不白髮早念昔會合時心事得傾倒倚廬魚鼓夜聯
轡鷄人曉遐搜接混茫細剖入幽眇挹注隘溟渤扶携薄穹

吳斯文何契闊之子復凋槁百年在無窮寥廓一過鳥家人
微舊聞學者拾餘藁區區存萬一散逸誰可保君看魯論上
彭壽顏回夭于今懸日月豈必言語好儻無後來者泯沒秋
毫小南浮吳蜀會北顧關河杳懷哉各努力人物古來少

張冠卿以前詩

懷哉各努力人物古來少之句為

十詩見寄次韻奉酬

明月不可沈有時障氛霾美蕖生淤泥豈必所處佳老子苦
鍊藏釋氏多遣排如欲盡物累自古誰好懷

連楹着胡椒環堵誅蒿萊節士亦良苦乃築懷清臺世故何

浩蕩人心亦崔嵬之子訪田舍厥絲安在哉

冥心觀宇宙孰是同與各夜旦無反惡日出星河落此有齊

人瑟彼有荆人璞嗟余耳目短豈故重然諾

朝雞警冠劔巷犬吠村塢胡然子列子越在鄭東南永懷正

黍離莫與忒申許雞犬各有役人亦宜自努

說合何必然金化黃河塞真然說不合千鈞等蟬翼累黍近

丘墓浩浩古載籍崎嶇蓋天意解后匪入力

我友天下士逝者八九人非無新造交亦有久故親可與共

安利未可同隱淪欣然得一箇迴首終酸辛

秦人獎申韓亡梁呂崇佛六經獨何罪莽亦竊大物堪嗟二

百年吾道功第一熙豐餘論在河洛諸賢沒

澶淵竟要盟老萊氣安吐韓范猶自憐不遂臣西虜人材繁

其逢事業隨所附千載有南董何啻今視古

江梅歲已過燕子春又來不愁吾鬢霜所恨此志反扶桑厚

焯明閭闔蕩蕩開欲往豈不可致遠非駑駘

子歌我三嘆我和子一笑方期俗耳合勿與知音道頗聞古

韶卷不落人間調悲歌泣鬼神妙語無餘少

黃巖張之望之立來訪與遊梅潭詩以送之

張子好兄弟別我今九年東風刮眯眼雙鵝忽墮前坐定看
兩鬢喜極意慘然來日豈不多此意合少延念子伏巖穴有
作皆巨編箱梁未暇謀從我志獨堅虛名遠相累浩嘆當誰
憐積雨得新霽綠漲彌百川載酒問何有漾舟隨所便與子
梅潭游以茲寓惓惓傾崖俯仰立中有飛瀑懸平地儼間闔
晴空自雲烟既見各有得欲語不可傳衆妙在領會天成謝
璫鑄子歸有新詩時寄三兩篇

和張孟卓尋梅韻

平生拙狀物出語輒自怡久欲頌梅花怕恐累紙寫不該美
子年少氣豪敏詩筒徃徃歲一來語不驚人意不止筆力待
盡千松煤我以病驥追霜隼著鞭不上嗔人催置詩太息梅
困我恨不縱斧尋條枚嗟乎孤山無人老坡死水邊竹外誰

低徊我嘗欲擬禁字難不道雪月冰瓊現退藏物後獨笑傲
奄有歲晚多驚猜紛紛自謂好顏色萬彙死立皆堪哀模將
此意入詩句十年木就梅空開君詩却惟梅不早令我內熱
紅生腮強隨峻韻終不滿今年又恐坐看落片飛莓苔

送劉茂實宰奉新

遠別欲無寐細論誰有酒今當作劇縣君意亦樂不江湖吏
道僻歲月民勞久救之敝精神自愛終袖手要中名甚美用
意物所咎君觀蘭桂林餘茂及樵標移根託客土顏色非故
有贈言幾滿車一字堪皓首於焉但裁擇對越二三友諸賢
在當路公論在衆口

送趙叔靜教授閩中四首

家無宿春糧適意恣所向征鞍催上官帆海看疊嶂有言及
當代浩飲益悲壯以茲實周行盡在幾人上

讀書須讀經學文須學古青衫故不換白髮早可數我亦窶
人子風雨故蓬戶胡為數相遇夜話恒過午
炯炯出萬壑冰壺縣清秋孰與玉璫中穆然養黃流孤松高
半天蘭芷復過幽看君最雍容奈何短自謀
百吏不可試卷懷洲校官翩然落南閩不為荔子丹彫蟲妙
經術尚市多儒冠吾道未必貴政此良已難

遊白石巖

地向東南傾石際滄海立蛟鼉限波濤鷄犬得城邑居然通
國望跋莫他山及道人獨有之置屋三四級幾看星月爛却
聽風雨急于今二百年我共真鴻集晤語夕陽低對酒秋旻
濕明朝江上舟避雨漁翁笠邂逅一俛仰此道可於邑

和孟阜老梅韻

朝遊山南莫北隅脩竹之下手乃披五步一顧立不趨柔枝

弱幹千萬餘繁然笑倩多新奇歲寒安用衆釋為驚嗟恠恠
丈人行縞衣籃縷冰斲肌莓苔雪片凍不飛玉飾其末璣
歌藐姑之仙下縹緲蒼虬為駕羽葆希三閭大夫從女須枯
槁嬋娟却並馳張子愛之亦既癡人不得覩以我歸我生自
視梅孰如滄江獨立兒女嗤年來稍稍學折枝柰何復與此
老期

再和

望美人兮天一隅薜蘿為衣顛倒披水竹隔我不可趨令我
搔首三歲餘漢庭年少六七奇鬚眉皓白來何為我欲避
問之道安得玉貌生枯肌長翁傲睨欲奮飛滄江釣雪叢
歌少翁頰挫拚牙角笑齒一粲知音希樵家斧斤磨以須
者萬人人背馳梅乎梅乎我非癡持汝二老將安歸古來弱
植剛不如孰有嫵媚為人嗤君不見孤竹之管求孫枝汝盍

早定歸山期

止齋先生文集卷之二

止齋先生文集卷之二
古詩

送同年林多益丞寧海

同里衣冠近闊疎同年齒髮多衰變
美人宜在玉筍班
隱吏亦隨花雨縣
有杭一葦逢迎可
每食雙魚甘旨便
願瞻周道竟何如
善為身謀吾豈願
清廟笙鏞濟濟陳
碧梧鸞鶴深深見
由來盛事歲月晚
誰到脩途肝膽健
楊花吹水酒搖波
一請加餐再無倦

送謝希孟歸黃巖四首

紛紛竹帛傳浩浩金石刻淪亡已無限
存亦誰愛惜如何伏
義氏文字二三畫
姬孔豈不聖用以演周易
法令如牛毛斯軼信手成
簿書積丘山趙張眼愈明
萬人立
下風國勢尊且榮
未省三代前誰獨有此名

主壁藁繅藉山龍飾衣裳不聞避古初而興自虞唐毀車崇
駉射隸作篆籀藏至今人便之秦亦忽以亡
累觴以為歡班荆以為儀交際貴如此勿使至意虧頗常悵
小雅鹿鳴至魚麗賓主禮百拜六經似支離

看荀和潘養大韻

兒童纔牛角兵衛忽森戟十日不汝見尋文出咫尺隱几觀
物化軒奮恣所極寒冱欲從之世事有繩墨

贈尹紹伊

吾友尹紹伊十年抱心疾休然萬事廢豆子黑如漆從之問
舊學歷歷不遺一佳篇問哇鄭法語雜方術豈其遇人耶託
此訪遺逸張皇鬼物恠漏泄官禁密君看服烏喙孰與近參
朮

送郡守汪充之移治嚴陵方時小雨至晴雨甚急是

刺有命

挂梁龍骨經時蟄井井黃雲秋已及十日不雨民未急使君
日膳長蔬涪澄空颼颼雲霧入鮎婦休眠兒覓笠村春化出
雲子粒市上明朝升二十農家語圃商語賈恒願使君無疾
苦自今一鉢吾腹果健看將母從蕭鼓馮翊扶風天尺五見
說嚴陵在何所詔書奪去萬舌吐九重欲扣君門阻棲鳥護
巢駒戀阜東人自視西人好那知湛露溥秋草春意平鋪無
刺少有客解事翻然笑元祐治平諸故老身要人扶功未了
誰知青絲絡馬橫門道應笑江湖華髮早

寄題陳同甫抱膝亭

稻梁不難謀軒冕亦易得胡為抱膝翁惻惻復惻惻秋風墜
碧梧鳳鳥去無迹愁吟草際蛩兒女淚盈臆忽然一長嘯孤
響起空寂令人識雅頌一唱三嘆息室廬在路傍耕鑿在民

籍行人聽笑語稚子共眠食請書果何罪鬚髮又半白此意
太勞勞此身長抑抑抱膝且不可出門更何遠但勿問門外
蓬蒿若干尺

送葉正則赴浙西憲幕

頻年送行客酒釐詩不工最晚與君別奈此百感叢岐山有
鳴鳳雅頌移幽風于時二老生出處海上同曹劉對七箸失
色一語中明朝蜀江水不與灞澹通人心起毫末世故開鴻
蒙乃知貧賤交不下王霸功霜根宿病驥雲帆背蜚鴻秋水
能隔人白蘋况連空相從自束髮各去隨轉蓬今懷欣有合
後會苦未重鱸魚直萬錢羊酪醅一鐘願君養盛年我友半
已翁

送陳益之架閣

論事未欲如戎兵欲如衣冠佩玉嚴重而寬平作文不欲如

組繡欲如疎林茂麓窈窕而敷榮楨幹蓋亦煩絕墨滋味何
如餘典則吾宗受才萬人敵排空所向無遺力親喪三年面
添黑交情一語千金璧明朝不嬰軒轅壁裘馬借人無德色
作掾闕山可蹤跡擬將秉杆空嶼嶼相君有令民未得勿問
堂高若干尺春江渺渺風張席欲言江水何終極貧賤相依
鬚毛白吾可雷同名送客浩歌未放情彌激君看風雅詩三
百亦有初章三嘆息

翁誠之慰慈溪再擬祖送不及

昨來久佇驪駒集今來悵望橋烏急中年送客亦多違先事
從勞後無及江頭祖帳幾百人落紙珠璣詩什什自哦短韻
竟甚得亟欲陳之復羞澁君方筮仕從茲始驛驢開路日千
里若逢人話子陳子侏儒一節今如此

送鮑清卿教授莆中

閩中豈不好莆中况多儒其山有丹荔其水有子魚艾軒諸
老生典則故所餘堂堂退傳門海內欲曳裾宦遊得此樂
者酒滿車我亦勸君酒我意獨未舒嘗聞入林獵不可背水
漁背水漁尚可背時更崎嶇方今朝廷尊紳笏日走趨官多
豈勝記勢遠復易踈媒身衆所同藉口誰不如奈何但濕肥
云向天一隅平生拙自謀蓬巷歲月除更事亦既熟畫此未
必愚豈有服蒞蘭佩之以瓊琚令人愛不見搔首空踟躕

作南塘記郡守沈持要以詩來謝次韻奉酬

周公作雅頌退然在函風功成貴無迹名大謗亦叢彼人自
標置刻畫豈不工君看榛莽間斷碑卧頽墉想當在世時奉
拳効深衷胡然今弗省身後議論公達人悟物情玄覽昭有
融區區強名我咨爾來何從沈公天下士於今萬夫雄邦人
見未嘗譽之口不容請將六南樓語盡意未窮公詩陳誼高

耻與好事同年登百廢興解后吾何功勇去學休影倦游
遺蹤吾方笑征南雙雙勒堅虹一以棲山顛一以沒水中

送謝倅景英赴闕

言詩必南雅自鄙吾無譏嗟余生已晚觀人以觀詩人情日
變化往事十九非相從飾邊幅欲語懷街羈久不見官寺下
與家人夷渡江六十年得此心目疑早從諸公游晚佐一郡
治居嘗陳誼高動與作吏違大白浮朋簪單車款民扉多文
雖素復用拙真良規二年意綢繆一別事渺瀰有酒公不飲
贈言我何裨穆穆清朝班僉曰尚德宜何妨着此翁衣冠皓
鬚眉

懷同舍石天民編脩

山陰不得見見期在東陽東陽忽歲華欲往又阻長貽言輒
無報有便復寄將以君懶於書我豈望得當永懷十年別動

正曾莫詳君貌今何如孰與我老蒼就使白髮同脚力誰請
報日餘米多少飲酒可樂觴尚能甘寢耶比之昔對床嫂氏
亦晚景吾婦伯姊行為君過客頻膏沐當不常有兒若干人
已未勝冠裳但要能應門勿問鄙與誠一紙細說似慰此遙
相望未乃及田舍何有還何亡丞郡祿已厚豈不可小康憶
昔夜夢君託交少年場竦身而掀髯眸子炯炯光依然論時
事悲杜淚以滂我方閉門嬉謁至即暫忙婆娑松竹下細數
秋葉黃舊志益凋落羣書半遺忘請君勿他及却使我意傷

次韻蕃叟弟月下有感

平原接翠微脩竹圍綠淨乃於此中間更以皓月映佳入笑
隱几萬物獨我正幸哉吾有母侍飲得餅齋

夢人誦詩覺省數句足成一首

三人共一被寒夜爭抽牽一人耻不讓起坐遲朝暄明朝復

雨雪忍豈無春妍四時各天運二人正軒眠

送曹器遠試臨安二首

青衫豈必貴未得不可已皇皇海內人翅走共一軌生前極
浮榮沒後抱深耻他山有隱淪一笑粲冰齒豈知天地間樹
立在人紀

大有扛鼎力小有掣瓶智誰當頓八紘舉以掩衆器煌煌一
百年此道最宏被雖躋三事尊亦起一藝試或云科目弊此
語復有味

約同舍蜀人王德脩三首

遠莫遠關塞鴻鴈來年年我嘗按輿圖嶠漢在眼前胡為與
君別杜齒今華顛下峽君有期會吳我何緣令人媿不如鴻
鴈得自便

晴昔夢邇江巴陵至瞿唐兩崖東秋旻中有一帶蒼安流進

分寸怒去千丈強求君竟不得望之涕淋浪往日事已然未
日理未詳

橙橘方累累魚蝦亦多多能春半年糧豈惜一見過良夜月
如霜聽我苦別歌翳翳度蘆鄉風定水自波或者阻君舟柰
此佇立何

次德脩仙巖韻

我家仙巖人跡稀客從何來此何時岷山之陽遠海嶠萬里
欲寫心精微瀑泉自兩一丘壑有龍蟄不隨羣飛病難地擔
眉猿喜雖未作霖良已奇吾聞岷山天與齊仰止不見如調
飢君登絕頂小天下此縱有山安足嬉翩然肯過非所期此
道還闕車誰脂願言稅駕毋遽歸為我更賦崧高詩

再用韻呈德脩

一日一見猶為稀如何十年見無期昔方壯歲意輕別一笑

聽君歌式微江流永矣劔閣阻恨不羽翰能奮飛不圖今日
已華髮話此恹恹還竒竒尋麻不競萬壓屋厚祿書斷兒恒
飢誰當附契斷冰雪歲晏獨可相從嬉功名富貴各有時人
亦空自為韋脂與君持此將安歸滄海雪山無盡詩

夷門歌送脩德還闕

萬古江入海吳蜀有不通不通誰使然人自為異同昔在李
孟錢士各懷土封靜言彼何尤亦各徇所忠恭惟宋受命三
姓皆朝宗斯文已百年名世纔數公眉山與金陵柰何不相
容大雅如關洛亦復互詆攻朋分文字間禍起師友中四郊
忽戎馬塵滿夷門宮往事已覆轍後事如飄蓬一飮忘苦飢
一褐忘苦冬身謀每不長王事靡有終有客獨惻惻萬里興
深衷相過話離合歷歷繇熙豐我久世慮薄念之涕無從貧
賤將安歸功名在其逢有能用斯人可使百阻空西人不為

西東人不為東

借書一首別薛子長

山阿着柴扉陋甚誰盤桓美人此何求鉅竹數十竿只閱書
百篇尚覺日力寬欲從我借書我書何足觀辛勤抱遺經及
此鬢髮斑一語未領會累日不自安雖更聖人手亦恐衆說
變况復秦漢下曾莫脩與剛致之獲麟前存者今若干我無
以我之望洋又空嘆羨君方盛年恣意涉浩漫又聞書少多
不索學缺完讀書固匪易用書良獨難昨來荷堤上嘗試及
孟韓此話如消埃此道如丘山

寄陳同甫生日

南國雨初潤西風水微波持酒欲勸君奈此道阻何天地自
久長日月良嗟蛇志士惜少年用意失靡他豈無文字功百
代名不磨胡然朝檻鏡夜起瞻星河思婦視貞操驕人視勞

歌曾微強飯書覆出為紙訶水懷姑射神尸居養天和下視
塵冥冥鴻鵠謝網羅身將世誰親得孰與喪多請君以尊生
我亦以養病

述懷

有客盈門飯不足有書千卷兒懶讀王公勞問場爭竈樵牧
相忘盜騎屋古來堪笑如我少生無一事能恰好獨有居閑
可引年我又不然華髮蚤

簡鄭景元

西風肅萬物於卦冒為允說言就凋蟄之死矣靡悔方當春
和時動植出草昧喧號聒穹蒼怒長彌大塊紛紛誰則敢所
恃蓋有在

簡王道父

瞻彼萬仞巖亭亭上烟霞其下寒淵水清不容魚蝦閱予生

好修而居東海涯顧見泥中藏日食百萬家浮名太累人未
語衆已譁為海不為淵何道以自瑕

贈東陽呂望孫周登二武士

鴻門無人易水寒安得壯士又所患求之市隱戎行間紛不
當意曩已班逆胡未討憂萬端此得兩君聊自寬有石堂坳
立礪玩百夫睨之欲舉難兩君挾起如弄丸舞空一葉風團
團呂君忽作胡衣冠瀝酒於地盟血殷長劍久倚燕然山義
欲為漢誅樓蘭九重深窈虎守關竟以劍器博一殮語未良
已聲珊珊兩蛟出沒萬馬攢夜闌月暗天汗漫滿堂悲憤淚
欲潛嗟兩兩君誠義肝我方乘障荆之蠻五管諸將皆秦安
解肉久不堪征鞍誰能喚與百辟看但得汝等一解吾君顏
書生老死不足歎

書黃巖丁明仲墓誌碑陰

葉君隻字雙南金子子拳石藏幽深百名以上辭不淫我豈
識子猶漸襟黃山之阿墓林林斷碑日爍秋雨霖彼豈孫子
力不任人莫過問嗥孤禽子以窮餓死苦吟東棺逆旅無衣
衾未乃得此世所欽子視昔者孰與今區間壽短升與沉長
留天地誰無心於中詩人最嘔欵竟亦朽腐如書蟬何獨遺
子天球琳上與郊島名相尋雖無薦藉鬼已歆况立之後生
金鷲期呂數歲頭勝簪有田可稼桑可紝收拾舊業編朱綾
未必下載無知音請我書此碑之陰大亮一語不肯侵嗚呼
讀者悲不禁牛羊勿踐木森森

未公下... 吟音... 詩不...
 全... 賦... 賦... 賦...
 子... 賦... 賦... 賦...
 留... 賦... 賦... 賦...
 未... 賦... 賦... 賦...
 不... 賦... 賦... 賦...
 滿... 賦... 賦... 賦...
 業... 賦... 賦... 賦...

止齋先生文集卷之三

古詩

赴桂陽道中喜晴書事

十日九雨垂垂雪馬僵僕病泥乘橇披衣闔戶得星月喜有
 耻向妻兒說耳根久與朝鷄別熟睡八年謀未拙乞米作糜
 蒙被斲客來午漏家僮出如今兒嗽妻愁絕我縱喜晴心已
 折可以藝麻多筍蕨苟有一丘吾計決奈何諸公廝役皆豪
 傑尚愛春陵老元結

簡友人二首

南去有五嶺北來有重湖水清石益奇往往中州無在昔官
 游者越若韓張徒胡然自衡陽隻鴈亦不徂
 安眠夜至卯休吏日加申廩稍亦已厚養病非隱淪恨無封
 君法老美藏其身遄歸豈不欲更有宜歸人

和王教授謙叔述郡園韻

守邊豈無事治園亦有說朝看士飲羽暮與客投轄且以示
多暇且以勞同列我生賜九回世故肱三折環堵僅尋文短
亭聊歲月忽蒙當宁記濫補專城缺區區自米盞在在欲翻
叢列惟有茲山未省從何月張羅上空庭尋芥及勁節舊觀
誰緝然新思蓋綿蕤幸方一小治黼拂尚可六太息謂坊
謂胡然召南人而驟歌所菱

臨桂尉楊渭夫以詩來因次其韻兼簡同僚

萬物各美惡一室有面背去來故無怕欣厭惟所會有能悟
茲理何必著幽處後園並山麓脩竹積空翠芥尋自何年樊
養特遇計陳根獨遭時沃壤亦借勢居然成獨清可以掩衆
媚亭院起中瓦湖滌滌前際於時吾豈敢謂此天作對新詩
忽感談俗狀良內媿子方及歸期客復攬離思謂尚當

封殖之去日如始至

送宋伯潛宰高安

秋風日來論校車何時休有鳴丘中琴玉瓚懷黃流此腰不
可折此芴未忍抽亦入鴈鷺行而為稻梁謀四海楊誠齋吾
道得自由悠哉思萬端哿矣試一籌風詩訖於幽易象重以
周謂詩及謂易當知橫空翻不若逆水舟

送楊渭夫歸省

應侯氣蓋百粵小朱侯誼與離江長兩侯愛士早成癖恠甚
渭夫懷故鄉士窮萬事一不就就得一事窮何傷渭夫壯者
忍窮久老驥欲秣胡沙霜吾家何在雲橫嶺趙媪不寃劉兒
瞑孰與親旁煮湯餅謂夫初至臨桂劉氏兒被殺賊不獲不
殺謂夫莫能辨府執謂夫與謂夫死人又得之

南嶽聖業寺禹栢

久與林壑居所見皆衆穉豈無壽千年未有此栢異壯而嘗
參天晚乃但仆地定非風雨摧殆是斤斧棄其本則離披其
末則倒植其枯如殘枿而蔚有新意其靡如弱植而凜有高
致將前復却行宜右忽左次驪龍或俯頤遁虎或回眈隕石
或猛起飛翬或顛墜山立或磬折尸寢或拳跼斷支或強附
橫陳或巽避綢繆情不狎頽墮力未瘁朴畧自光恠挺持匪
標置終焉人偽盡獨以天巧遂吾聞古有道純朴去故智與
世每如此全身亦幾是疑將問歲月缺弗見載記誰言導江
時手植特嬉戲世人那得識會有神禹至

牡丹和潘養大韻

看花喜極翻愁人京洛久矣為胡塵還知姚魏輩何在但有
歐蔡只不泯夕陽為我作初霽佳節過此無多春更燒銀燭
飲花下五陵佳氣今方新

張潛行部過湘岸有作因次其韻

春晚得新霽草木日夜綠陽光初蔽虧野暝或單復美人浮
湘波領此入蓬屋故放歸帆遲更呼漁火續窮探物精華盡
付詩凡目憶昨欣晤對令我忘休沐劇談酒行希危坐兵衛
肅相思正倚樓所寄忽累幅瑰辭堪買貧軼韻和難屬自從
楚騷興悲些違差玉後來數唐人款乃巖隈宿世無梁昭明
斯文又誰錄

送王南強赴紹興簽幕四首

詞章行天下嘉賴二百年甲科至公卿誰敢謂不然有人妄
媒孽一世所弃捐我亦欲護短諱不言幽燕汗簡在吾後覆
車在吾前

人人尊孔孟家家誦詩書未省有宇宙孰與今多儒儒者道
如砥豈其自崎嶇申以黃老廢賈以絳灌疎漢家嘗紛紛政

爾門戶殊

歷官如歷階越等多所傷奈何坳堂水持綆萬丈長誰無斯
世方乃此抽手旁永夜淚不禁仲尼故皇皇又問雖小魯乘
田問牛羊

聞之浙河東見之湘水南未歸却相送既喜復不堪行矣乞
自便帥幕或可參君方乘日長勉為停朝驂我池有螭蟠我
園有黃柑

題明皇醉歸圖

騎者兩人扶不正夾道誰知為萬乘一人前馳一顧後懷欲
並驅無號令狩人亦忘記鷹犬仰視只愁天欲暝有司刺候
上起居杳莫得詳宮鑰靜嗚呼開元自英主前鑒竟遺盈幅
紙君不見漢宮圖如己未必當年甚如是

送范憲東叔帥潼川四首

離逾十年合復十月離往日苦無及來日忽未知江源與
海通吳會與蜀違通固天道常違亦物理宜勿作兒女感是
中有精微

相從意氣豪相知鬚毛斑細說竟昨非淺斟始今歡每懷吾
黨多未採此世難一則琢冰雪再則紉芝蘭騷人絕芳潔孰
與風人寬

有書但遮眼有位亦養病養病猶近名遮眼已患多聊復歲
晏爾柰此人遠何聲光正橫空議論如懸河宜君見別輕歎
曲理則那

逢人九頓首遇事三折肱雖知少為狂正復老可憎吾今有
儲粟吾昔有短檠魯論訓何如周易讀未曾言歸又言歸兒
女喚不應

行湘喜雨簡劉公度周明叔

將行客有戒正熟入不禁出門一昔雨解纜十日陰湘山益
以碧湘水益以深天光接雲夢野暝蒙衡郴蠅無盤中蹟蟬
有木末音願乃廢枕葦爰方索衾我起問夾岸往歲孰與
今衡茅或數間叢竹皆十尋滿蓮間華實鷗鷺時浮沉老穉
各有得漁樵不相侵早插禾欲孕新炊粟如金為之失倦游
於以成孤斟永懷泛湘入屈賈多愁吟往者亦此境今者亦
此心空名但千載佳思誰一襟時哉不可失浯溪更駸駸

劉連州和前韻因道湘中之樂以謝

湘中足可樂誰苦愁不禁變彼蘭蕙姿固怯霰雪陰賈子天
下士子何念慮深貞元兩御史南還會於郴亦復相唱酬間
有亡國音愚溪更憔悴中夜起擁衾而得款乃句膾炙循至
今我後五百年公來適相尋田疇歲無廩獄市春沉沉寬書
日夕下民蠹祛年侵况也省賄甚小郡至萬金交歡有陸賈

私恨無羊斟我飽竟甘寢公暇多長吟迺知湘中樂聞時匪
關心淮民忘勞力樂極翻沾襟却愁吾二人四牡歌駸駸

聞葉正則閔箴經次其送客韻以問之

順水去吳會逆水來夔門萬古逆順舟以斗占旦昏曩余好
百家信不及魯論初亦半喜愕久之乍亡存白髮一無成願
識委與源風停波自平却視消長痕六經夫如何夫子手所
翻恒言但乘稼恠志無鵬鷗規圓而矩方往往萬巧攢諸儒
各有得長短賢若干玉帛相會盟兵車相并吞一語苟暗合
羣生皆晏溫經成今幾年嘗試以是觀此道未軻死此書未
秦燔猶之斗經天於以生蓋渾西方亦人豪國自為乾坤書
來入中州坐使學者奔君豈捨從之或但遊其藩吾聞欲乘
槎鑿空訪河根孰與瞻斗車把柁行江湍

和張倅唐英詠梅十四首

種梅欲百畝誰老意未渝有山在堂背有溪在庭除我危坐
中央花以真坐隅人固不可親花亦不可踈
花芳以養性花陰以休影更欲從旁謀種秫可半頃衝寒時
一觴我醉花獨醒醉醒兩相忘久矣繫歸艇
因山為高下因水為縱橫恣花欲何之勿撓所性清却愁雪
太深瞻言不勝情有時亦肯來當我戶牖明
我豈愛花者而獨愛此花愛之匪無人詩且數百家前有水
邊橫後有竹外斜但作如是觀桃李亦可誇
人言物不齊相較三十里以梅等羣芳何啻隔弱水杜陵狀
百物無語可著此巡簷索之笑但不禁冷葉
駸駸入衰暮故作不潔清美人美無度可使一國傾胡然立
休休夾此東西榮對之意自消令我欲近名
以之為雪耶雪或墮行殘以之為玉耶玉或附旒冕春前每

嘗試歲晏不退轉悠哉似有道可與共舒卷
政應違衆好可忍負幽探以茲落南雅蜂蝶獨遺憾豈無好
顏色一雨竟陳暗誰知歲寒姿可久非可暫
若以色見我色衰令人忘香為衆妙宗妙亦不在香鄉來芸
芸者自意傲雪霜當斯玉立時曾莫一在旁
遲遲可殿後寂寂可鎮浮風人第一章窈窕河之洲穆如三
代英惟此宜與儔不然則臞仙玉簫下秦樓
紛華有心說艷羨得目送越在篁葦間願使詩興動詩人被
花惱盡日手自弄愁吟日不足又作栩栩夢
亭亭湘岸竹炯炯湘波月其中雪垂垂一樹為誰設不應皂
蓋人於此能忘折折之寄相思可以慰分裂
高山皓鬚眉久不見綺黃邂逅一笑粲可與斯人當如何為
林逋托根向錢塘居遺蘭與芷牢愁楚沅湘

先人手所種家在何處村自別此堂堂不知幾寒温盍歸封
植之歲歲為此言老如霧中看正恐目力昏

招隱二首

將子無登山山上岡復岡朝為朱陽煒暮作陰飈涼磴滑幽
鳥啼林深山鬼翔子兮何所求樂此螭魅鄉國人佇齊轍吾
黨多曾狂望子子不來翠袖天風揚緇塵擺落盡幽願次第
償焦鵬入冥雲蟻虱寬貝陽子兮竟誰從獨樂無已康豈其
羊之飢而可殺與臧

將子無涉水水深下無極條魚舞浮陽螭首闖陰碧弱去一
羽沉惡來萬波激子兮何所求快此蛟涎滴議諫起陽城拾
遺招李渤望子子不來羊裘號逋客踞坐山石麤唏髮朔風
疾亂流兩白足何日蹕踈逸猗猗清逸子兮寧不悲飢氓俟
唐稷豈其洛之涯而可温與石

記夢

邃然石壁罅涓涓如絲繩其人指此泉下去為滄溟旁有玉
蟾踰空中底方平視之鼻通尻徹窺刻畫精泉從鼻聰入可
止不可盈欲問已無人我亦悟我生惜我烟火食滓我朝清
明

止齋先生文集卷之四

古詩

始生七章章八句上 皇子嘉王生辰

生為帝子貴本自歷數歸歷數萬億年帝子壽無期今夕果
何夕欲頌皆贅辭但願王此心無忘始生時王看松柏明未
具葉與枝冲然一點春其大可十圍云胡問不茂為失雨露
滋乃知生意同其異各所羅人均此生爾王生樂無涯如持
與人同請自今夕推奉觴一何多予以介壽祺王其敬舉觴
念周八維百鼎羅珍羞世豈無調飢錦綺耀盈門藍縷還
誰衣龍樓近日月茅舍或不支三宮子孫孫亦有孤與妾吾
方貴吾生相彼多玷危豈伊天地公而獨及我私於焉識仁
端一物豈忍遺當思宇宙間壽域咸熙熙獵人愛麋鹿漁人
愛鯉鮪萬物欣自遂况也民秉彝家有舉按婦人有應門鬼

王心至於此壽不數者願詩人誦稷功造周本岐嶷首言民
初生次及稷誕彌民命繫於稷此語非夸毗末僚甚孝慈所
愧無周詩

送丘宗卿帥蜀戶部侍郎立公被

命以煥章閣直學士出帥全蜀其友生永嘉陳某作
詩三章送之一章以重別也二章頌也三章以送其
歸也

嘗陪諸老後示與晚進游有能一夕話可洗萬古愁昔君尚
青衫今我已白頭闕下何匆匆蜀江正悠悠一請工治庖再
請拙操舟

好靜從古始尚恩極今時寧使舉國貧勿與一士遺庶寧因
前轍元祐誠良醫我亦欲宴興入方之朝炊持之訊人憊人
傑良自疑

前瞻及河隴內願連江沱邊籌尚裨壓民瘴須按抄方當上
懷遠况復歲薦瘥宜公去帆輕歲月亦易多西人豈不好奈
此東人何

短歌送呂子約丞郡天台

露荷不肯附綠漲石榴自欲當朱明我無一物與君別持此
薦以雙玉瓶榴花結子荷成的定亦扁舟去為客良集偏於
吾輩堅新功或向他山得我歌雖短聲苦長君不能飲酒滿
觴申公何在麗澤死又送冥鴻謀稻梁

送黃子聞得縣瑞安

西都循吏無墨綬密令忽用為三公仁人遭時乃自見不係
官爵汗與隆黃君崎嶇髮半白得縣吾州滄海東平生經術
久未試今幸小試難為功休聲出自士論衆遺愛見於民力
窮如君作吏豈擇便第勿謂難斯令終嗟余欲歸歸未得觀

政不在漁樵中逢人每似卓傳傳此道萬古君王同
送陳仲宇遠里

意勝不受暑交深欲忘言子車今日貽我經何時箋卜
無疇頌橘亦有園掛冠特易耳奈何子盛年

教授李夢符惠宣聖畫像用韻奉酬

一藝必有師尚論襄與夔一國必有師尚論嘗與伊信知師
道尊分與君父夷吁嗟文王沒斯文屬之誰微言二十篇論
次自學而傳之者顏曾其後則子思方當周之衰諸子出
奇王公各師承一語可解頤見之擁篲迎不見頰其眉孟子
獨推尊是惟聖之時苟不本孔氏皆放其淫詞於是尊孔孟
誕作百世師自非戎翟秦孰肯此道馳本朝郡為學溥海尸
祝之往往屈萬乘降升廟庭垂我作暮春堂魯論以自適為
冠落天上鬼遁蛟龍移江山護昭回誰敢或訕嗤中有夫子

像來從魯家兒廣文以遺我溫厲尚可追吾今得吾師下視
衆說卑世世萬子孫永此巢一枝

還徐叔子犀帶

徐子贈我舊寶犀宣和國工所事治玄玉十截黃四垂厚且
半寸徑尺圍方廉整不刻毫釐金飾諸末柔丹韋賓之止齋
光祿離天吳海若不敢窺柰何骨相堪蓑衣自得此帶逢百
羅我服黑角二紀餘歲月幾半蒙蛛絲識與不識皆歎欬恨
不披拂來隆墀湖湘老把乘邊麾次第三節登王畿 隋門
再入留郎闈上皇一見玉色怡闊步蓬山上切螭向者所恨
今交譏懼瀝肝膽得請歸自意未與漁樵嬉急詔遣際 潛
龍飛誤恩狎至湛露斯古來逾分天不宜百炊未滿萬事非
還觀續中一解頤吾腰安用爾帶為徐子盛年脩幹支才華
不數紛紛兒請以帶去藏待時拖金縣玉未可知招招車騎

來何遲苦勿留此令我悲君不見在昔十圍終失之終朝三
捷事尤危况我昏睡誰護持亦恐夜半神運蛟龍移

憶筇杖

岷峨山下筇竹杖危者使安衰可壯秦皇漢武窮兵不可得
我獨得之今丞相前年有旨還故園其冬急召朝日邊半歲
驅馳數千里賴有此杖常扶顛倉黃又別脩門去私室無人
謹呵護夜半雷霆下取將兒叫妻啼留不住我聞丞相下峽
時一物無有杖自隨屬當晏朝立仗久憐我弱脛疲切嗚如
今步履隨衰草十步趑趄九步倒假如杖在欲用之山精海
怪震怒亦不保君不見杜陵桃竹歌常恐失之君山湖上之
風波梓潼使君之贈尚爾耳况自丞相還如何

蘭花供壽國舉兄

山丹吹出青藜火金蝶窺叢何婀娜朱槿更作猩袍紅夸道

風人嘗印可罇瓶如斷蟬沒利從旁粲然笑奄有諸香誰似
我香簪蕭然山澤臞至香不數脂粉腹衆芳固自有醞藉要
是傍人之庭除何如琉璃千頃水涵碧淤泥不解汗笑蕖幽
蘭獨自倚脩竹生來未始受諸觸深知抱此竟安用用多亦
豈美蕖福若以滋味屬厭人齏粉此身人不足今夕何夕新
風露入秋一雨天西顧止齋有兄永難老止齋之弟愛莫助
但以清白傳之萬子孫歲供蘭花羨無度

東陽郭希呂山園十詠

幽人有遐心鄣屋涵澄空况復得此山心事與境同

石清曠亭

一壑亦易得安得桂林林道人偶見之不是歲月深

右桂壑

兩崖東青天中有月皎皎乍可謂月底不可謂天小

右月峽

從勝有仙凡爛柯無小大誰知柘源人不在秦晉外

右小爛柯

嘗聞鳳樓梧梧老鳳未棲令我日佇立不知月東西

右傾月

雲以無心出雲歸亦何心樵牧窺其藏妄意此阻深

右閔雲關

清院閑草木各具天一水安用學食玉將以斲不死

右玉泉

涓涓自空來霏霏復不見安得自尤物使我耳目亂

右飛雪

徒攔時獨立萬象皆見前若非着眼高亦是天一偏

右壺天閣

蕭金吾已既吾纓亦無塵壅石以潛之恐有抱甕人

右石井

送郭希呂

我門閉重重我徑阻且深梅花獨相依聊以慰我心美人從
何來崎嶇自幽尋亦於琢水中而和南風琴葉甲尚可羨新
藹足同斟不知歲已華歸興生霜砒欲別復少住棲鳥歸月
林客去鳥初飛落花滿墻陰

水仙花

江梅丈人行歲寒固天安蠟梅微着色標致亦肯時胡然此
柔嘉支本僅自持迺以平地尺氣與松篁夷粹然金玉相承
以翠羽儀獨立萬槁中水膠雪垂垂水仙誰強名相宜未相
知刻畫近脂粉而况山谷詩吾聞抱太和未易形以窺當其
自英華造物且霽威平生恨剛褊未老齒髮衰撥花寘瞻瓶

吾今得吾師

止齋曲廊初成

但酒勝如水但花勝如草小廊曲通幽竹椽亦良好止齋十
數間足以便衰老簷低遠風露地窄易汎掃淺溪浮薄觴短
牙齧舊葉著書僅玄易過客多韋縞於中榜退思誰其諒深
抱吾思亦已晚吾退益更早懷哉彭澤令仰止商山皓維淵
有潛龍維岳有藏寶煌煌暮春堂三字落空昊昭回照南極
鎮撫及東島胡然迺在斯夙夜俱不保鬼神無世情可護必
有道

次沈儉夫求花木韻

我意何不樂我頽復何憊止齋有新畬耕犢角已繭止齋有
溪水釣帝隨所長兩山夾精舍佳處迫廬峴朋來盡名流燕
坐皆勝踐頽然止齋翁心故不可轉厭書或窺園乘興時步

癸日月之蔽虧木陰自幽顯雨露之密疎草色自深淺翁乎
一觴詠初不着姝嬖易老探醇駁風騷較寬編眠食雖甚佳
病患益加勉謗隘况所招訟詎那能辨於焉更悟入豈但可
排遣寄言子沈子所欲果何件葭豕來春田冥鴻脫秋獮谷
蘭猶見紉月桂不可牽慕遠失之近求多得常鮮請以杜縣
才從茲益懷卷深居勿近市隘巷莫容輦有花門擁篲無花
地生蘚嘗試玩喧寂何者是貞舛舊學枉初心新功費重研
何如過止齋我亦精文選

春晚書懷二首奉簡陳益之

百舌喜太甚杜鵑恨何深睨眄斯黃鸝律中宮之音物情自
不齊天運初無心道人獨領會杖藜立芳陰
百卉得雨露華滋巧相娛但知說姚魏河洛竟何如我方悟
吾生箋經未成書安得小學師從之注虫魚

題沈仲一所藏周氏羣公書帖

紛紛世上如落花東風即入西鄰家
要亦餘事吾何嗟斯人故國之喬木
枝葉胡然亦流落吾生已晚講聞熟見
欲墮淚那忍讀古來道德功名上傳世
不曾綠物重君不見人間秦漢昇彝銘
與頌子子孫孫永實用

贈章虞卿并序

虞卿相別久意其困場屋舍而它之也
忽以書說來余喜甚留數日晤語不但
說書諸學無不涉也又愛之甚欲作一
詩亟稱之輒不就虞卿促歸姑贈數語

章子一別二十年此來銜袖書一編自出
已意說百篇至說五誥尤愕然我今萬事
付幽屏是書插架漫不省子之書意吾已
領且探梅花試湯餅

題僧法傳為沈仲一畫聽松圖

古松不知幾千年直幹欲上千青天
樛枝下與人世接冷風過之萬壑喧
猿驚鶴恠樵牧遁百鬼愁絕誰傷
遠紛紛海內絲竹耳何處縹緲來
臞仙整襟拱聽移永日置琴弗顧
儻歌眠松風有際意無盡莊騷不
數惟易玄嗟乎深山大澤松不乏
斯人往往千載之陳編筆端若有
夜半力一日忽在軒楹前止齋虛
靜對立久晴昊亦為生蒼烟畢宏
骨已朽畫工一世脂粉便北湖居士
安得此奄有二子雲山傳北湖居士
雲山傳吾詩孰與杜老起九原

送畫僧法傳雪菴禪師從瑾之弟子

問訊雪庵今何如子來搔首更踟躕
時於戲墨窺禪悅尚想家傳及緒餘
曾點尔各言尔志陶潛吾亦愛吾廬
誰人解寫二歸意欲放風帆還搵袂

題瑞安宰朱元成乃祖雲壑莊圖

功成不受富貴汗輕舟扁然下五湖至今風流在姑蘇我復見此雲空圖兩坡喬木樛相扶殘山剩水千里餘天際未知何有無一葦橫絕雙風蒲楊花春岸秋尊鱸在在着此儒仙靡世無宗師貌不知誰其嗣之吾大夫

詠梅分韻得藥字

惜樹須惜枝看花須看藥枯瘦發纖穠况此具衆美千林墮黃埃數點昭青泚誰知霜雪深天意欲玉女

送蕃叟弟赴江西帥幕分韻得獨字

生平未省友松竹愛言從宦輸幽獨子也諸侯老賓客襍被僅緣升斗祿為問江神何世情霽月光風送帆幅天意元來向事功謹母遐心自金玉

鼓琴行送許深父同知被詔赴闕并序

迺季秋朔旦上御祥琴公亦始免喪蓋五日而趣召至

換路虛左以待公者三年矣盛事盛事初某職

高宗所賞之琴僧於西湖晚入太學高宗晏居殊宮而

僧亦希得進見數與之遊歸琴一張寶之有年今觀盛事而不敢愛持以贈別故作是詩以道其所從來因禱以為辭焉

伯牙非不善鼓琴指下能寫山高而水深亦有師曠號精絕蜚雪白晝為重陰吾琴不以與二子二子不過衰季秋心嘆而悲吟后夔安在九疑遠南風不競鳳鳥瘖恭惟高宗

復古幾得此淨洗禁味朱離任一鼓朝綱日井井再鼓邊浙秋沉沉系麻萬里皆按堵笙歌三紀無沾襟橋山遺此歲月侵何時雅頌得所為不借寶藏豈愛五重玉市價敢論雙南金公歸舊隱三霜砧天子恭默思商霖君臣祥琴造相際使者十輩來駸駸白麻已草弄印久端揆虛左誰當今我抱此

琴病山林不如送公西歸調金鷲但願為作南風音上以對
揚高宗中興之大業下以追還虞舜萬國之歡心

送徐一之客贛上兼簡贛守薛象先

清冰一段出萬壑越玉五重陳兩廂美人去作諸侯客幾年
過湖壽行歲居之邇觀所繫舟夷猶暮春堂細雨冥冥烟樹
蒼竹萌梅實盡此腸別恨豈但山川長章貢分流合江水西
風為我送雙鯉休言相憶強加餐報道吳帆何日起

止齋先生文集卷之四

